



05. november 2020

Atassut

UKA 2020/166

Bentiaraq Bendtsen Ottosen

Nunat avannarliit killiit akornanni inuusuttut piffissami aalajangersimasumik killilikkami aalajangersimasumik akikitsumik akeqartillugu angalasinnaannngortillugit aaqqissuussinermik "interrail'itut" ittumik pilersitsisinnaanermik – imaluunniit allatut assersuutigalugu angalanermut tapiissutinik legatinik pilersitsinikkut nunat avannarliit killiit inuusuttunut ammaannissaannut periarfissanik misissueqqullugit Nunat Avannarliit Killiit Siunnersuisoqatigiiffiata Savalimmiuni, Kalaallit Nunaanni aamma Islandimi Naalakkersuisut kaammattorpai.

(Aallartitat siulittaasuat Vivian Motzfeldt)

Atassummiit inuusuttut kikkulluunniit periarfissikkusuppagut nunat avannarliit killiit suleqatigalugit piorsarsimassutsikkut misigisassarsiortinneqartarnissaat, tassani anguneqassammat inuusuttatta akornanni piorsarsimassutsikkut innuttaasut qanimut peqatigalugit ilisimasaqarnerulernissaat, nunattalu avataaniit nunarput ilisimaneqarnerulernissaa siunertaralugu.

Taamaattumik pingaartutut isigaarput Kalaallit Nunaat qanoq naalagaaffeqatigiinerup aqqani Savalimmiunut, Danmarkimullu suleqataanera ersarissassallugu. Periarfissatullu taasinnaavarput inuusuttatta pingaartumik naalagaaffeqatigiinerup isumaa pillugu paasisassarsiorsinnaanerat, soorunalimi aamma Island pillugu periarfissaqarsinnaavoq.

Taamatut naatsumik oqaaseqarluta siunnersuutip isumaa taperserparput, kisianni massakut aningaasaqarniarneq killeqarmat Naalagaaffimmiit aningaasaliinissaq saaffiginissutigineqarsinnaanera Naalakkersuisunut kaammattuutigalugu ataatsimiititaliamut innersuukkusupparput, aningaasatigullu pitsaasumik inisseqqeriarutta angalanissarlu navianarunnaarpat eqqartoqqinnissaanut piareersimavugut.